

0.0.1 pubbanimittasuttaṃ

1. vuttaṃ hetam bhagavatā. vuttamarahatā'ti me suttaṃ:
2. yadā bhikkhave devo devakāyā cavanadhammo hoti, pañcassa pubbanimittāni pātubhavanti: mālā milāyanti, vatthāni kilissanti, kacchehi sedā muccanti, kāye dubbaṇṇiyaṃ okkamati, sake devo devāsane nābhīramatī'ti.
3. tamenam bhikkhave devā 'cavanadhammo ayaṃ devaputto'ti iti viditvā tīhi vācāhi anumodanti: "ito bho sugatiṃ gaccha. sugatiṃ gantvā suladdhalābhaṃ labha. suladdhalābhaṃ labhitvā suppatiṭṭhito bhavāhīti".
4. evaṃ vutte aññataro bhikkhū bhagavantaṃ etaḍavoca: "kinnu kho bhante devānaṃ sugatigamaṇasaṅkhātāṃ, kiñca bhante devānaṃ suladdhalābhasaṅkhātāṃ, kimpana bhante devānaṃ suppatiṭṭhitasāṅkhātānti?. "
5. "manussattaṃ kho bhikkhu devānaṃ sugatigamaṇasaṅkhātāṃ yaṃ manussabhūto samāno tathāgatappavedite dhammavinaye saddhaṃ paṭilabhati, idaṃ kho pana bhikkhave devānaṃ sujaddhalābhasaṅkhātāṃ. sā kho panassa saddhā nivṛṭṭhā hoti mūlajātā

patitṭhitā dalhāasaṃhāriyā samaṇena vā brāhmaṇena
vā devena vā mārena vā brahmunā vā kena ci vā loka-
smiṃ. idaṃ kho bhikkhave devānaṃ suppatitṭhitasāṃ-
khātanti".

6. etamatthaṃ bhagavā avoca. tatthetaṃ iti vuccati:

"yadā devo devakāyā,
cavati āyusaṅkhayā;
tayo saddā nīccharanti,
devānaṃ anumodataṃ:

'ito ho sugatiṃ gaccha,
manussānaṃ saḥavyataṃ;
manussabhūto saddhamme,
labha saddhaṃ anuttaraṃ.

sā te saddhā nivīṭṭhassa,
mūlajātā patitṭhitā;
yāvajīvaṃ asaṃhārā,
saddhamme supṭavedite.

kāyaduccaritaṃ hitvā,
vacīduccaritāni ca;
manoduccaritaṃ hitvā,
yañcaññaṃ dosasañhitā.

kāyena kusalaṃ katvā,
vācāya kusalaṃ bahū;

manasā kusalaṃ katvā,
appamāṇaṃ nirūpadhiṃ.

tato opadhikaṃ puññaṃ,
katvā dānena taṃ pahum;
aññe'pi macce saddhamme,
brahmacariye nivesaya¹.

imāya anukampāya,
devā devaṃ yadā vidū;
cavantaṃ anumodanti,
ehi deva punappunanti."

7. ayampi attho vutto bhagavatā. iti me sutanti.

¹nivesaye. sū.